

靈寶領教濟度金書卷之一百七十四 無五

洞微萬士開光救苦真人寧金真授

靈寶通玄教水南先生林靈真編

科儀立成品預修儀

預修懺九幽燈儀

步虛 洒淨 祝香

具位且恭謹焚香上啓

虛无自然元始天尊妙无上帝太上玉晨大道君太上老君昊天玉皇上帝南極天皇大帝北極紫微大帝后土皇地祇東極青玄老君運明保元上帝九幽拔罪天尊九幽主執合會威靈伏聞道來家廓本无形以无名性等虛无豈有生而有滅自萬妄涉人心之變故一真迷天性之常陽剝陰升招陰氛於覺海善睽惡萃來惡業於靈源五藏雲擾而五賊滋繁六府烟迷而六淫浩蕩根深葉茂名書黑鬱之幽華繁實凝識墮黃埃之慘皆妄感而妄應匪實根而實招迷悟莫分升沉斯判是以虛皇教主妙有法王演金蘇度命之文宣玉簡登真之典慈雲陰覆為消冥昧之

情法雨沾濡俾復虛靈之性且按生身之受

度今攝死系以預修憑善因緣除惡報對沛

上聖指南之澤堅下愚拱北之忱種種提携

依依歸戴今弟子某願天澈切扣地勤渠念

水逝不回陽業未分於黑白願舟藏何在陰

德已紀於丹青自覺寒心誰加援手建玄壇

而受戒恩輅方來瞻紫闕以齊符罪消已往

茲按然燈之式昭宣謝過之儀仰仗真光俯

開冥暗百年運盡期無墮地之憂萬劫仙飛

庶有登天之樂不經苦惱永離輪迴伏望三

寶證明十華鑒映勅考官掾吏則北府之刑

書勒玄局仙曹紀南宮之真籍福流今世慶

衍他生稽首皈依無極大道

福生無量天尊 引至東方

九幽之東曰風雷獄衆生心虧震德行傷春

今則此獄攝之今預修弟子某按靈寶真乘

遵元始法訓修齋首過傳戒佩符聖力護持

神光照耀伏願東方玉寶皇上天尊俯賜慈

悲曲垂鑒映降太清之梵炁開幽冥之陰曹

為紀善功俾離惡對百年運盡即得返形逕

上南宮不經此獄謹懺東方風雷地獄

青陽布令啓生門 元炁網緝萬物芸

雨露圓霄垂惠澤 風雷方域震威權

都緣人逐真中妄 致使天施害衷恩

猛省虛无何所有 碧潭皎潔一輪明

福生無量天尊 引至南方

九幽之南曰火醫獄衆生心虧離德行傷夏

今則此獄攝之今預修弟子某按靈寶真乘

遵元始法訓修齋首過傳戒佩符神力護持

神光照耀伏願南方玄真萬福天尊俯賜慈

悲曲垂鑒映降太丹之梵炁開幽陰之都曹

為紀善功俾離惡對百年運盡即得返形逕

上南宮不經此獄謹懺南方火醫地獄

百昌長養沐陽精 麗正重明仰化成

秉禮承天天意合 折衝趨地地情生

靈臺月皎回真趣 火駭雲澄消妄名

究竟本來無一物 青山萬古只青青

福生無量天尊 引至西方

九幽之西曰金剛獄衆生心虧允德行傷秋

今則此獄攝之今預修弟子某按靈寶真乘

遵元始法訓修齋首過傳戒佩符神力護持  
神光照耀伏願西方太妙至極天尊俯賜慈  
悲曲垂鑒映降太素之梵炁開幽夜之冥曹  
為紀善功俾離惡對百年運盡即得返形逕  
上南宮不經此獄謹懺西方金剛地獄

西靈高真氣涵秋 萬寶登成大火流  
獄號金剛緣底事 性虧玉潔致來由  
義天澄湛真機露 覺地虛圓妄駭收  
妙體如何所似 一輪明月照神州  
福生無量天尊 引至北方

九幽之北曰溟泠獄衆生心虧坎德行傷冬  
令則此獄攝之今預修弟子其按靈寶真乘  
遵元始法訓修齋首過傳戒佩符神力護持  
神光照耀伏願北方玄上玉晨天尊俯賜慈  
悲曲垂鑒映降太玄之梵炁開幽鬱之陰曹  
為紀善功俾離惡對百年運盡即得返形逕  
上南宮不經此獄謹懺北方溟泠地獄  
歸藏妙化統玄冥 御智司權萬品凝  
天復一陽來潤澤 地張六極號溟泠  
虧成安境招非相 權實真疑本不生

珍重玄珠誦定水 舟行雲駛任縱橫  
福生無量天尊 引至東北

九幽東北曰鑊湯衆生心虧艮德行傷仁政  
則此獄攝之今預修弟子其按靈寶真乘遵  
元始法訓修齋首過傳戒佩符神力護持神  
光照耀伏願東方度仙上聖天尊俯賜慈  
悲曲垂鑒映降始青之梵炁開幽都之陰曹  
為紀善功俾離惡對百年運盡即得返形逕  
上南宮不經此獄謹懺東方鑊湯地獄  
泰交萬物始還終 九炁開光駕木龍

山配東維承聖日 春回北闕布慈風  
鑊湯外假根塵攝 覺海中涵幻翳空  
了悟人生真妄想 鴈飛影過孰留蹤  
福生無量天尊 引至東南

九幽東南曰銅柱獄衆生心虧巽德行傷禮  
政則此獄攝之今預修弟子其按靈寶真乘  
遵元始法訓修齋首過傳戒佩符神力護持  
神光照耀伏願東南方好生度命天尊俯賜  
慈悲曲垂鑒映降始丹之梵炁開幽治之陰  
曹為紀善功俾離惡對百年運盡即得返形

逕上南宮不經此獄謹懺東南方銅柱地獄  
悉交木火物欣榮 風約南薰鼓渤溟  
銅柱威章開地濁 瓊臺靈澤本天清  
性真自悟秋蟾瑩 情妄誰招曉露輕  
欲究因由無所著 如如法界自圓明  
福生無量天尊 引至西南

九幽西南曰屠割獄衆生心虧坤德行傷義  
政則此獄攝之今預修弟子其按靈寶真乘  
遵元始法訓修齋首過傳戒佩符神力護持  
神光照耀伏願西南方太靈虛皇天尊俯賜  
慈悲曲垂鑒映降始素之梵炁開幽闔之陰  
曹為紀善功俾離惡對百年運盡即得返形  
逕上南宮不經此獄謹懺西南方屠割地獄  
金行初御葦收威 屠割名揚煥地維  
天德豈分憂樂事 人心多昧妄真機

到頭五蘊心纒悟 迴首三途迹已非  
畢竟虛空難繫縛 江涵秋影碧連漪  
福生無量天尊 引至西北  
九幽西北曰火車獄衆生心虧乾德行傷智  
政則此獄攝之今預修弟子其按靈寶真乘

遵元始法訓修齋首過傳戒佩符神力護持  
神光照耀伏願西北方无量太華天尊俯賜  
慈悲曲垂鑒映降始玄之梵炁開幽府之陰  
曹為紀善功俾離惡對百年運盡即得返形  
逕上南宮不經此獄謹懺西北方火車地獄

九關虎豹鎮玄綱 下映乾維耀八方  
陰御火車司地暗 陽昭水網發天光  
回真不染情雲變 逐妄難隨性日常  
會得中虛涵萬象 庭前花草自榮芳  
福生無量天尊 引至中央

九幽中央曰普掠獄衆生心虧厚德行傷信  
政則此獄攝之今預修弟子其按靈寶真乘  
遵元始法訓修齋首過傳戒佩符神力護持  
神光照耀伏願上方玉虛明皇天尊俯賜慈  
悲曲垂鑒映降太玄之梵炁開幽府之陰曹  
為紀善功俾離惡對百年運盡即得返形逕  
上南宮不經此獄謹懺中央普掠地獄  
土舍厚德法陽翹 御炁中和冠八遙  
生物施仁融版幅 根身立信契層霄  
雲臺月映真元寂 普掠雲隨晏景消

珍重高堂懸寶鑑 含虛寂照物莫逃

向來祝燈功德並已周圓伏願圓穹錫義方  
厚開祥无私覆无私載之恩方來靈華不在  
大不在小之咎已往水消道系夔夔精神祥  
光融其步武即俾弟子其福源若水壽址如  
山了八識虛妄之塵心無墨礙超一照真寶  
之相性頓圓通運應滅度之期神證超凌之  
願南宮紀宇生出入於福鄉北府銷名劫  
劫周旋於道域永无衰謝克遂道遙為如上  
緣志心稱念

福生無量天尊  
和不可思議功德

靈寶領教濟度金書卷之一百七十四

靈寶領教濟度金書卷之一百七十五 無六

洞微高士開光救苦真人靈金真訣  
靈寶通玄弘教水南先生林靈真編

科儀立成品類修持  
二十方懺儀

臣等今故燒香皈身皈神皈命

東方無極太上靈寶天尊九炁天君東鄉神  
仙諸靈官懺悔預修弟子其億劫循環多生  
輪轉馳騁三業悉縱六情禁戒無虧真元易  
失下違地理上逆天文陰忤神靈陽干玄紀  
日積月累萬件千條賦形以來紀錄黑籍厭  
世之後考罪玄曹恐墮沉淪未絲懺滌今依  
黃籙簡文靈仙品格修齋行道燒香散花稽  
首投誠皈心謝過無邊罪犯並乞蕩除伏冀  
慈造垂矜仁恩昭憫特為弟子其導迎景觀  
落滅宿根福慶興隆注殃斷絕列名南上寄  
籍東華快樂百年運應滅度即得受化返形  
太虛永為種民不經苦惱得道之後身入無  
形和與道合真

南方